



## Universitätsbibliothek Paderborn

### **V. P. Gasparis Druzbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicacionem Pagina  
Indicabit

V. P. Gasparis Druzbicki, Societatis Jesu, Fasciculus Exercitiorum Et  
Considerationum, De Præcipuis Veritatibus Christianæ Fidei Et Sapientiæ -  
Ad efformationem Christianæ vitæ, consecutionem salutis æternæ  
collectus: & usui accommodatus

**Druzbicki, Kaspar**

**Ingolstadii, 1732**

**VD18 90066332**

Exerc. 2. Quàm nos dissimiles Christo Passo simus?

**urn:nbn:de:hbz:466:1-45396**

tatum, & indignitatum, propter me demerse, atque sepulte. Ecquid tandem retribuam tibi, tanto, & tanto magis amatori? qui me amasti Charitate, & immensitate: ego autem non possum ad reddendum sufficere, nisi cum amoris pauperculi modicissimâ, & pluviali admensione. O mi robustissime Amator JESU! compensa tibi Amorem omnem in me tuam ita quidem sicut potes, scis, & vis, at specialiter per viam hanc: ut facias me quàm simillimam Tibi: Crucis tuæ omnis, quàm copiosissimâ participatione digneris; ut in me nihil permittas, aut justineas, quæ in communicatione, societateque Dolorum, Contemptuum, Dignationum, Exinanitionumque tuarum non sit conditum, non imbutum, non plane repletum, fermentatumque, sed omnia sint mihi Cruciformia, & ego totus sim alter, Tu Christus Crucifixus.

## EXERCITIUM II.

*Quàm nos Christo Passio dissimiles simus.*

1. **S**Tatue tibi ob oculos seu mentis seu corporis passum JESUM.
2. Intuere illum quàm accuratissimè in hoc ejus statu, in quo à plantâ pedis, ad usque verticem capitis non est in eo sanitas.
3. Quem ille subire dignatus est pro te, tum ne talis tu esses, imò longe in deteriore; quia in iræ Dei, & damnationis æternæ: tum ut in statu salutis, ac vitæ, beatitudinisque æternæ esses, à quo æternaliter, cum impossibilitate, & desperatione recuperandi, tuâ iniquitate excideras: reducereris autem ad eum Misericordiâ, & Charitate Dei, Meritis, & Passione, atque Crucis Morte Redemptoris, Observatione

Doctrinæ



Doctrinæ, & imitatione Morum, Virtutumque Salvatoris.

4. Animadvertite, quàm tu sis huic tuo Redemptori & Salvatore, & pro Charitate, Meritisque ingratus: & Doctrinæ, Morumque, ac Virtutum exemplis per omnia dissimilis.

5. Imò, & quam totis viribus tuis, perpetuisque conatibus, atque industriis tuis, hanc dissimilitudinem consecuteris, similitudinem autem defugias: planè ac si in hoc sita sit universa Christiana professio, aut perfectio; quàm maximè, longissimè, à Christo Passo, Humili, Mansueto, Paupere, contempto, fatigato, crucifixo, exinanito, innocente recedere.

6. Christus namque in hâc vitâ mortali vivens, perpetuò crucem suam bajulavit: passionisque suæ amarissimum calicem bibit: at nos etiam nomen, etiam umbram, etiam guttam passionis Crucis, calicisque horremus, & abominabamur. Christus, hujus mundi & substantiam, & jactantiam, & voluptatem penitus penitusque respuit: nos toti, & cuncti, concupiscentiâ Carnis, concupiscentiâ oculorum, & superbiâ vitæ, famescimus, exedimur, absumimur. Christus angustam semitam, & arctam portam, quæ ad Vitam ducit, & inivit ipse, & ineundam edixit: Nos tamen lata porta, quæ ad perditionem ducit, delectat, detinet, & in præcipitium damnationis devolvit.

7. Leges Christi, & Sapientiæ Dei æternæ Incarnatæque, in quibus est Salus, & Vita, & beatitudo; nobis mera sunt deliramenta, & stultitiæ: Christo, Spiritûs paupertas, Beatitudo est: nobis abominatio cordis est. Christo, beati sunt

Handwritten notes on the gutter of the book, including the words "Dru", "Sicki", "ne", "ro", "N", and "3".



qui lugent, nobis lugere, & deflere peccata miseria est. Christo, beati sunt qui esuriunt, & sitiunt Justitiam: nos Justitia, & Sanctitas, & perfectio Christiana minimè delectat, delectat autem licentia vitæ, sollicitudines divitiarum, gloriosæ ab invicem consecratio, proximos quolibet negligendi, aut injuriis afficiendi nequitia. Denique Christo contraire, Vita nostra est.

8. Erubescere, quòd tam longè absis ab illa Jesu similitudine. Erubescere quòd tam horresca illi assimilari, quod tantis ejus ærumnis, malitiis tuâ, & perditione, malitiam secuturâ, causam dederis: quòd tam parvos, & raros, fructus colligas ex tantis ejus laboribus, sumptibus, sudoribus: quòd tantis ejus beneficiis & amoribus tam ingratum te exhibeas: quòd tanta tamque indigna mala pro tantis bonis & donis retribuas.

9. Excitabis, & exiges ab ipso te alacritatem, & generositatem, cordialem ad patiendum, ad desiderium & famem patiendi, ad gustum in tribulationibus, in humiliationibus, in ignominis, in doloribus pro Domino, & cum Domino, in Corpore, in Animâ, in personâ tuâ, aut etiam tuorum, in bonis externis, internisque, naturalibus, spiritualibus, in honore, famâ, dignitate, officio, in libertate, in delectatione, in consolatione, in omnibus omnino circumstantiis, in omni mensurâ, in omni consecutione & clausulâ: & quidquid demum visum fuerit Deo, reputans pro summè singulari, eximiâque Gratiâ, si te dignum judicaverit, ut patiaris, & humilieris, & in passionibus, humiliationibusque sepeliaris: pro nomine quidem, neque tamen quâ

pro nomine  
tatis tuæ

Jesu in

ne pr

lis Tu es p

statu tuo

horreo,

modico:

debitissim

lis, & p

Amator

nis tuæ,

ego max

fiam Tibi

tionibu.

ribus, in

Jesu, su

persever

paciendi

habere c

tua.

Q

1. ST

&

illud Pr

tempesta

2.

tum, n

sed tot



pro nomine suo, sed quasi pro vilitatis & iniquitatis tuæ commérito.

P R A X I S.

*JESU* in Doloribus posite, atque in Calamitatibus plañe propter me demerse & desixe. Heu me! qualis Tu es propter me, & quam ego dissimilis tibi in hoc statu tuo? quam potius præ erubescendâ mollitiæ meæ horreo, & erubesco, & fugio esse similis tibi, vel in modico: licet hic ærumnosus status, omni jure est mihi debitissimus, quippe qui incomprehensibiliter sum vilis, & peccator, & omnis supplicii reus. O mi unice Amator, & Benefactor *JESU*, largire mihi, Passionis tuæ, cujus quidem præ omnibus aliis peccatoribus ego maxima sum causa, fructum hunc præcipuè: ut fiam Tibi quam simillimus, in passionibus, in afflictionibus, in contemptibus, in paupertate, in doloribus, in opprobriis, in Cruce, in Morte. O mi *JESU*, sustenta, corrobora, vires, & animos adde: perseverantiam, & efficaciam largire, huic misello, patiendi tecum & pro te desiderio: & fac me dignum, habere consortium, & gustum, & famem Crucis tuæ.

EXERCITIUM III.

Quid *JESUS* Passus loquatur ad nos?

1. Statue tibi ob oculos Cordis, *JESUM* Passum, & undique ærumnis circumdatum; juxta illud Propheticum: *Veni in altitudinem maris, & tempestas demersit me.* Ps. 68. 3.
2. Intuere illum accuratè in hoc statu positum, non habentem speciem, neque decorem, sed totum quasi leprosum, novissimumque virorum,